

Bidarteko operazioa

Corcuera: «Triunfalismoak baino zuhurtasunak nagusitu behar du»

ETAk oraindik hiltzeko ahalmena duela baina «bide onetik» goazela adierazi du

Corcuera atzo Madrilén emandako prentsaurrekoaren arabera, «atxiloketa hauek euforiarik gabe hartu behar dira, ETAk oraindik hiltzeko ahalmena bait du». Era berean, Madriléko Gobernuak ETArek aurkako borrokan estrategia aldaketarik ez duela egingo eta «gizarteak bataila irabazten ari» dela ziurtatu zuen.

X.L./DONOSTIA

Mujika Garmendia, Alvarez Santa Cristina eta Arregi Eros-tarberen atxiloketek poz handia sortu diote Corcuera Barne ministrariari baina, hala ere, zentzugabeko euforiarentzako lekuri ez duela adierazi zuen atzo Madrilén emandako prentsaurrekoan. Horren ustez, triunfalismoak baino zuhurtasunak nagusitu behar du, «ETAk oraindik hiltzeko ahalmena bait du».

Rafael Vera Estatuko Segur-tasunerako idazkaria, Luis Rol-dan Goardia Zibileko zuzendaria eta Carlos Conde Duque Polizia Nazonaleko zuzendari nagusia-rekin batera emandako prentsaurrekoan, Jose Luis Corcuera gai logistikoetaz gutxi hitzegingo zuela aurreratu zuen «operazioa oraindik irekita dagoelako».

Ministriariak kazetarien galderai erantzun baino lehen «ETAn eta ENAM deritzan horren inguruan zerbait mugitzen ari dela» zalantzarik ez zuen agertu eta «alderdi demokrati-koen lanak eta bereziki euskal alderdien lanak» ETA isolatzeko baldintzak ipini dituztela ziurtatu zuen, «eta honek geroz eta polizi eraginkortasun handiagoa edukitzen laguntzen digu».

«EAJ-REN POLITIKAN KONFIDANTZA» HB instituzioetara joa-
teko eta

ETAren «zati gogorra desgiteko» alderdiak eta EAJ bereziki HBrekin elkarriketatzeke une egokia ote den galdetu zitzaionean Corcuera «terrorismo gaietan ameskerietan ezin» dela ibili erantzun zuen eta EAJ egiten ari dena ondo iruditzen zaiola esan zuen, «une egokia da EAJ egiten ari dena egiteko. EAJ eta euskal Gobernuaren politikaz ez dut zalantzarik. Euskal politika bakearen bila ari da, euskal alderdi demokratik herriarren gehiengoak ordezkatzen dute, beraz, triunfalismorik gabe azken urteotan lanean ari garen ildoan segitu behar dugu» esan zuen.



Jose Luis Corcuera, eta bere atzean Philippe Marchand ministroa. EFE

Ildo beretik, ETArek aurkako borrokan Ajuria Eneako Itunaren berebiziko garrantzia aldarrikatu zuen eta «Itun hau kaltetzen duen ekintza partidistak beregain ar-dura larria hartuko luke» gaineratu zuen.

ETA-REN AURKAKO ESTRATEGIA ALDAKETARIK EZ

«Ekintza arrakastatsu» honek, ordea, ez du Barne Ministeritza eta Madriléko Gobernuaren ETArek aurkako estrategia aldatuko, Corcuera esan zuenez, eta «inork ez dezala jendea nahastu Antton Santo Domingotik Europako herriren batera eramango dugula esanda (kazetari batek balizko elkarriketa

batzuk egiteko azalduko galderearen aurrean), horrelakoei ez egin kasurik. Espainiako Gobernuari dagokionez —esan zuen— Antton hortik ateratzen bada hona ekartzeko eta epaileen eskutian uzteko izango da».

Polizia frantsesaren operazioak zein nolako min egin dion ETAr ere aztertu zuen Corcuera eta «hankarik ez sartzeko, Poliziak hipotesi txarrenarekin lan egiten duela» adierazi zuen. Hau da, «urteetan zehar ETAko buruzagi kualifikatuak atxilotuak izan dira eta beste batzuk ordezkatu dituzte. Oraingoan Artapalo dei dezakegun kolektiboa harrapatu dugu eta orain arte hau ez zen inoiz gertatu». Operazioa

Garcia Vargas: «Kolpe gogorra izan arren ez da ETArek amaiera»

MADRIL

Julian Garcia Vargas Espainiako Defentsa ministroak atzo Senaduko pasiloetan esan zuen ETAko buruzagien atxiloketa kolpe gogorra izan dela talde armatuarentzat, baina horrek ez duela esan nahi ETArek amaiera denik. Zentzu horretan adi egoteko esan zuen, ETArek erantzunaren beldur.

«Pozik egoteko moduan gaudela, baina adi segitu behar dugu» azpimarratu zuen Defentsa ministroak. «Lanean segitu behar dugu ETArek ahalmenak honek amaiera zorian batera eramango gaitzan» esan zuen Espainia eta Frantziako Segurtasun Indarrak zoriandu eta gero.

Segurtasun neurriak indartu

egingo dira Garcia Vargasek adierazi zuenez. «ETAko buruzagien atxiloketak egin direnean, atentatuekin erantzun dute» argudiatu zuen. Beste xehetasunik ez zuen eskaini, baina segurtasun neurriak hartzeko eskaera Jose Luis Corcuera Barne ministroarekin telefonoz hitzegin ondoren egin duela adierazi zuen.

Manuel Chaves Extremadurako lehendakariak bestalde, esan zuen atxiloketekin ETAk urte honetarako planteiatzen zuen atentatuak burutzeko zailtasunak izango dituela aurrerantzean. Atxiloketen berri izan ondoren «lasaiago» sentitzen zela esan zuen, baina lasaitasun osoa «talde terroristarekin» amaitzean baino ez dela helduko gaineratu zuen.

✓ «Une egokia da EAJ egiten ari dena egiteko. EAJ eta euskal Gobernuaren politikaz ez dut zalantzarik»

✓ «Inork ez dezala jendea nahastu Antton Santo Domingotik Europako herriren batera eramango dugula esanez».

✓ «Urtetan zehar ETAko buruzagi kualifikatuak atxilotuak izan dira eta beste batzuk ordezkatu dituzte».

bukatzen denean erakunde armatuari zein min egin dioten neurtuko dutela esan zuen.

Polizia frantsesa zoriontzaz gain, defendatu ere egin zuen. Bere ustez, Frantzia ahal duen guztia egiten ari da, eta «edozein giza ekinbidean bezala, egia da hobetu daitekeela», baina bera Frantzia beti defendatu duen bakarrenetako izan dela ziurtatu zuen. Eta hori frogatzeko 1988tik hona «ETAko buruzagien atxiloketek bide onetik goazela adierazten» dutela esan zuen. Era berean, Goardia Zibilak «Frantziako Segurtasun Indarrei eskainitako informazioa» ere goraiatu zuen zuen ministroari.

Inork galdetu gabe, Treviño artzapezaren kasuari buruz aritu zen Corcuera. Bere ustez, apaizen jarrera dela medio ezin da Eliza osoa kritikatu eta «euskal Elizaren bake nahia eta bortizkeriaren aurkako borondatea» zalantzan ez zituela jartzen aitortu zuen. Hala ere, «batzuetan esaten dituen gauzetan gardentasun eza nabari dut» esan zuen.

Pentsaurrekoa bukatzeko «hau ez da amaitu» eta «euforiazko egoera arriskutsua da» —adierazi zuen— «geroko gertakariak damutu erazi bait gaitzakete». Hala ere, «borroka irabazten ari garela ez dut zalantzarik» esan eta oraindik zenbat sufritu beharko den galdera egin zuen. Erantzun gisa, Estatuko Segurtasun Indarren lanean jarri zuen konfidantza.

Agiriano: «Zuhur jokatzeko segitu behar dugu»

HONDARRIBIA

Jose Antonio Agiriano EAEn Madriléko Gobernuak ordezkariekin esanetan atxiloketekin ez da ETArekin amaitzea lortu. Madriléko Gobernuak ordezkariek modu oso positiboan baloratu zuen Bidarteko operazioa poliziala. «Operazio bikaina izan da» esan zuen. Ziurtatu zuenez operazioa poliziala Espainiako Estatuko Segurtasun Indarrekin elkarlanean burutu zen.

«Artapaloren atxiloketa bake-rako, Euskal Herrirako eta Espainia osorako berri oso ona da» azpimarratu zuen Agiriano. Haatik triunfalismoan ez dela erori behar nabarmendu zuen. «Zuhur jokatzeko segitu behar dugu» abisatu zuen Agiriano Hondarribian.

Oliveri: «Garrantzia handiko operazioa da osagai politikoa ere baduelako»

DONOSTIA

Inazio Oliveri, Eusko Alkartasunako idazkari nagusiaren esanetan, «ETArek bihotzaren kontrako kolpe inportantea» izan da Bidarten polia frantsesak burututakoa. «ETArek amaieran pentsatzeko modukoa ere ez da, ETAk berregituraketarako gaitasuna erakutsi duelako» esan zuen EAKo buruzagiak.

ETAKoen atxiloketak, «ETArek dinamika bera gainditzen du» Oliveriren esanetan. «Garrantzia handiko operazioa da osagai politikoa era baduelako, izan ere, Nazio Askapenerako Euskal Mugimenduan negoziatioari eta partehartze instituzionalari buruzko eztabaida dago, eta ETAko zuzendaritza eztabaida horretako sektore gogorra da».

Ordoñez: «Notizia oso ona izan da ETAKoen atxiloketa»

DONOSTIA

Gregorio Ordoñez EAEn PPko bozeramaleak esan zuen ETAko buruzagien atxiloketa «notizia oso ona» dela. «Dena den azken terrorista erori arte zuhur jokatu behar dugu» gaineratu zuen. Prentsa ohar baten bidez PPko buruzagiak «bakea eta bizitzeko eskubidea» hurbilago daudela aditzera eman zuen, baina oraindik helburu horiek erdiesteko bide luzea geratzen dela erantsi zuen.

«Artapalo eta bere kideak atxilotu dituztenek, horiek bai egin dutela giza ekintza, hainbat bizitza salbatu bait dituzte» ziurtatu zuen PPko bozeramaleak.